



7739
Dt 12.12.2023

REPUBLIKA E SHQIPËRISË
PREFEKTI I QARKUT ELBASAN
SEKTORI I MONITORIMIT TË KOMPETENCAVE VENDORE DHE FUNKSIONEVE TË
DELEGUARA

Nr. 1321 prot.

Elbasan, më 11.12 2023

Lënda: Konfirmim akti

KËSHILLIT BASHKIAK LIBRAZHD

Në zbatim të nenit 16 të ligjit Nr.107/2016 dt.27.10.2016, "Për Prefektin e Qarkut", pasi u verifikua ligjshmëria e aktit tuaj Nr.113 datë 30.11.2023, "Për emërtimin e shkollës 9-vjeçare Zdrajsh-Qender "Shejnaze Juka", konfirmojmë në parim mbështetjen e tij në ligj.





REPUBLICA E SHQIPËRISË
BASHKIA LIBRAZHË
KËSHILLI BASHKIAK

VENDIM

Datë.04.12.2023

Nr. 1301
726 prot
14

Nr.113 dt.30.11.2023

PER EMERTIMIN E SHKOLLES 9-VJECARE ZDRAJSH – QENDËR “SHEJNAZE JUKA”

Mbeshtetur ne ligjin nr.139/2015 ,date 17.12.2015“Per veteqeverisjen Qeverisjes Vendore “
te ndryshuar ,Neni 54, Këshilli Bashkiak i mbledhur sot më datë 30.11.2023 dhe me propozim të
Kryetarit të Bashkisë Librazhd:

VENDOSI:

1. Shkolla 9-vjeçare Zdrajsh-Qendër të emërtohet “Shejnaze Juka”sipas relacionit bashkëngjitur.
2. Ndjek zbatimin e këtij vendimi Kryetari i Bashkisë,Drejtoria e Arsimit dhe Kulturës,Zyra Vendore Arsimore Librazhd dhe Shkolla 9-vjeçare Zdrajsh.
3. Ky vendim hyn në fuqi 10(dhjetë) ditë pas shpalljes.

SEKRETAR I KËSHILLIT
Elson MALLUTA

KRYETARI I KËSHILLIT
Mitat BIÇAKU



Kabineti
Sek. Këshillit

7245

DT 16.11.2023

ORGANIZATA E DËSHMORËVE TË ATDHEUT
BASHKIA LIBRAZHD
Nr. 70 prot.

Librazhd, më 13 nëntor 2023

K Ë R K E S Ë

Drejtuar: KËSHILLIT BASHKIAK PRANË BASHKISË LIBRAZHD.

Lënda: Kërkesë për vendosjen e emrit të Heroinës së Popullit "Shejnaze Juka" Shkollës 9-vjeçare Zdrajshë-Qendër.

Këshilltarë e këshilltare të Bashkisë Librazhd,

Ju urojmë suksese në punën tuaj!

Më 19 dhjetor 2023 mbushen 80 vjet nga rënia në luftë kundër pushtuesit në fshatin Zdrajshë të Heroinës së Popullit. Shejnaze Juka. Kërkojmë që Shkollës 9-vjeçare të fshatit Zdrajshë-Qendër, e cila ndodhet afër vendit ku ka rënë, t'i vendoset emri "Shkolla 9-vjeçare "Shejnaze Juka" Zdrajshë-Qendër."

Më poshtë po u njohim shkurtimisht me jetëshkrimin e Heroinës së Popullit", Shejnaze Juka.

Shejnazja indi në Shkodër më 15 gusht të vitit 1924, nga një familje e pasur, me tradita atdhetare. Nëna e saj ishte nga Elbasani. Mësimet e para i mori në vendlindje. Shejnazja shkoi në Itali, në Firence, për të vazhduar studimet, por i ndërpret pas okupimit të vendit nga fashistët italianë. Pastaj vazhdon studimet në Institutin Femëror "Donika Kastrioti" në Tiranë. Ishte edhe anëtare e organizatës së Rinisë Komuniste që nga themelimi i saj. Mori pjesë në disa demonstrata antifashiste. Veprimtarinë revolucionare e zhvilloi në Tiranë dhe më 1942 u hodh në ilegalitet për të punuar me rininë e qytetit të Elbasanit. Më 1 maj 1943, bashkë edhe me 100 normalistë nga Shkolla Normale e Elbasanit, u hodhën në luftë, duke u rrjeshtuar në çeta e batalione partizane. Lumja (ishte pseudonim i Shejnazes) u inkuadrua në Batalionin Partizan të Çermenikës. Ajo, me guxim, vendosmëri e trimëri, mori përsipër tri detyra të rëndësishme: vetë të ishte pjesëtare aktive e batalionit në frontin e luftës për çlirim, të mobilizonte popullin, veçanërisht rininë në luftë kundër pushtuesëve dhe t'u mësonte fëmijëve të Çermenikës shkrim e këndim. Të tri këto detyra, vajza shkodrane Shejnaze Juka edhe pse nuk i kishte mbushur të nëntëmbëdhjetat, i kreu me sukses.

Shejnazja u bë shumë shpejt e dashur për banorët. Pas luftimeve, u mësonte shkrim e këndim djemëve dhe vajzave të Orenjës.

Më 18 dhjetor 1943 në Orenjë, ku ishte dislokuar edhe Shtabi i Përgjithshëm e LANÇ-it, u përhap lajmi se forca të mëdha gjermano-tradhëtare do të sulmonin fshatin dhe do ta digjin atë. Menjëherë, një pjesë e forcave të Batalionit të Çermenikës, ku bënte pjesë edhe Lumja, u vendosën në kodrën shkëmbore të Dërsisë, Zdrajshë, ndërsa forcat gjermane në Malin e Shkozës. Luftimet u zhvilluan shumë të ashpra. Armiku ishte më superior në numër, armatime. Pas shumë orë luftimesh të ashpra, më 19 dhjetor 1943, bie në fushën e betejës Lumja (Shejnazja) dhe tre elbasanllinitë: Bardhyl Popa, Fehmi Kotherja dhe Shefqet Tosku. Në qendër të fshatit, për të përkujtuar të rënë në këte betejë, është ngritur një lapidar.

Për veprimtarinë e saj në shërbim të Atdheut Shejnaze Juka është vlerësuar me titullin më të lartë, "Heroinë e Popullit."

Me respekt,

PËR ORGANIZATËN E DËSHMORËVE TË ATDHEUT PRANË BASHKISË LIBRAZHD

KRYETARI

Jsmet Muça



[Handwritten signature]